

geus dis bemelte Bräclein darüber / las es kalt werden / vnd so man es vortragen wil / so strewe oberzogen Anisß oder Zimmet drauff.

Junge Hünner gefült vnd in gewürke einzumachen.

Z Im harte gesottene Eyer / guten neuen Speck / vnd grüne Petersilgen / hache es klein vntereinander / vnd thue Zucker / kletne Rosinlein / ein wenig Ingwer / Pfeffer vnd Saffran dran. Wenn nun die Hünner rein gemacht vnd gereumet sein / so fülle sie damitte / lege sie also balde in ein siedent Wasser / darnach geus das Wasser davon / vnd thue eine gute gesottene Milch oder Rohin daran / vnd las sie darinnen kochen / bis es gnung hat. Würke sie den wieder mit Ingwer / Pfeffer vnd Saffran abe / so wird es recht.

Hünner